

BERITA HARIAN, SABTU, 5 JUN, 1982

PM lantik Pengerusi baru Yayasan Dakwah

KUALA LUMPUR, Jumaat — Perdana Menteri, Datuk Seri Dr. Mahathir Mohamad melantik bekas Timbalan Menteri di Jabatan Perdana Menteri, Datuk Seri Haji Kamaruddin Mohamad Isa, sebagai Yang Dipertua Lembaga Amanah Yayasan Dakwah Islamiah Malaysia.

Beliau menggantikan Allahyarham Tun Syed Nasir Ismail yang meninggal dunia 16 Mac lalu.

Perlantikan itu berkuatkuasa mulai 27 Mei lalu.

Dalam suratnya, Datuk Seri Dr. Mahathir mengharapkan yayasan itu akan dapat mencapai matlamatnya bagi memperkembangkan syiar Islam di negara ini.

Ketika dihubungi, Datuk Seri Kamaruddin berkata, beliau telah memulakan tugasnya awal bulan ini.

"Saya berterima kasih kepada Datuk Seri Dr. Mahathir atas kepercayaannya terhadap saya bagi mengetuai yayasan itu," katanya.

Beliau berikrar akan melaksanakan tanggungjawab sebera payang boleh dan terdaya seperti yang diamanahkan oleh Datuk Seri Dr. Mahathir.

"Saya mengharapkan sokongan semua pihak, termasuk cerdik pandai Islam, para ulama dan badan-badan dakwah di negeri ini bagi memudahkan tugas saya dalam meninggikan syiar Islam seperti yang diharapkan," tambahnya.

Selain dari menjadi Yang Dipertua Yayasan, beliau juga ialah Pengerusi Yayasan Pembangunan Ekonomi Islam Malaysia sejak tahun 1976. — Bernama.